



Arubaanse Courant

Anja 26.

DIALUNA 25 MEI 1964

No. 5040.

Apuntes Editorial

Cu mas forza pa adilanti

Desde diasabra e lector cu apone bon atencion a ripara cu dene skina di pagina uno tabata para "anja 26". Diabierne esaki tabata ainda "anja 25". Esaki na tur ta nifica cu Arubaanse Courant a bira un anja mas biew, un anja mas mihor, pasobra ESEY ta keda nos proposito; duna nos lectornan un diario cu ta birando mas mihor dia pa dia.

Den e ultimo simannan cu a pasa por a constata cu tabata falta algo, esey nos ta reconoce.

E motibo di e echo aki, cu nos tabatin menos noticia local den e ultimo seis siman, cu locual tabata worde brinda anteriormen- te, esaki pa motibo cu nos redactor preparador di e courant, sr. Hubert Wix mester a bai hospital pa tratamiento y nos redactor di Aruba, sr. Ricardo Engelen, door di esaki mester a worde translada pa percurap e courant cada dia sali cu su noticia- nan y anuncionan. Door di esaki di ripiente e redaccion di Arubaanse Courant den Nassaustraat tabata menos capaz, pa durante e maleza di senjor Wix trece noticianan asina bon manera cu nos ta desea; y esaki tabata pa seis siman.

Pero awor cada persona ta bon y salud atrobe ariba su puesto. Y e echo cu nos diario entretanto a drenta su di 27 anja di existencia y por mira atras ariba 26 anja bon, esaki ta duna nos tur e curashi pa cu continua interes y sympathy di nos lectornan sigui cu mas forza pa adilanti.

FATUM

Pa tur bo asegurado
Tel. 1845.

Tres jubilaro na Lago

ORANJESTAD, 25 mei.- Den e dianan cu a pasa senjornan Cerillo Croes, Egilio D. Tromp y Jacobo A. Maddicks a celebra nan jubileo di servicio na Lago, senjor Croes di cuarenta y nueve anja a celebra su jubileo diasabra. El a cumpli binti anja den servicio. Na e momento etalimpiador na e departamento di "Building & Services" y den e anja nan cu a pasa a worde tuma den servicio na Lago tres blaha, como cu na januari 1940 el a tuma su retiro pa despues di a hanja bolbe tume na oktober 1947 mientras cu el a hanja e blaha. Senjor Tromp di trinta y shete anja a recorda su jubileo di binti anja diadomingo ultimo. E empu- eado aki di trinta y siete anja a bin traha na Lago na april 1941 como alumno y den nos decencia a logra bira electricista klase A. Senjor Maddicks di cuarenta y dos anja ta cumpli awe su binti anja di servicio. El a cuminsa na 1938 cerca Esso Transportation Co. Pero despues a pasa pa servicio di Lago. Na e momento e ta instrumentmaker A.

COMUNISTANAN TA CUMINSA OFENSIVO NOBO NA LAOS

VIENTIANE, 25 Mei. - E premier neutralista di Laos, Prins Soevanna Phoema, a participa, cu e forsanan militar di Pateth Lao a cuminsa un ataque awe riba Moeong Kheoeng, mas o menos 25 kilometer noordoost di e llanura de Los Yantos. Moeng Kheoeng ta e cuartel general di e cuerpo di tanki y vehiculonan blinda di general Kong Lae.


Gobierno Sovietico a pidi Inglaterra pa acepta un peticion comun riba e diescuater paisnan cu a garantisa e neutralidad di Laos, pa tene un conferencia nobo riba Laos. Manera ta conoci Inglaterra y union Sovietica tabata presidentnan di e reunionnan di 1962 na Ginebra.

Prins Soevanna a bisa cu e lo acepta un proximo conferencia internacional tocante Laos. Pero e lo asisti na e conferencia solamente si nan stop di bringa y cu Pathet Lao debil e territorio nan cu recientemente el a conquista riba e neutralistanan. Te awor aqui premier Soevanna Phoema tabata favorecedor di un deliberacion entre e 14 paisnan cu na anja 1962 a firma e acuerdo ta- cante un Laos neutral.

Lae, comandante di e forsanan neutralista na Laos, a pidi e 14

paisnan cu a firma e acuerdo di Ginebra riba Laos, pa nan obliga "Vietnam y Pathet Lao" pa stop cu nan ataquenan.

Si nan no haci esey nos lo sigui bringa y e paisnan, cu ta apoya neutralidad di Laos lo worde pidi pa yuda nos den nos lucha contra Pathet Lao, asina Kon Lae a bisa den un declaracion na radio Vientiane.



Durante di e convencion annual di distrito di Lions, cual actualmente ta worde teni na Venezuela, señor Oscar Marugg, miembro Arubano di Lions Club diasabra a keda eligi como e gobernador nobo di distrito E-1 di Lions, na cual ta permanece Aruba, Bonaire y Curacao tambe un gran parti di e clubnan di Venezuela. Na e eleccion señor Marugg tabatin apoyo completo di Lions Club di Curacao. Ariba e foto aki e gobernador nobo ta para como di dos di robez. D.r.p.d. nos ta reconoce cinco Lions prominente di Aruba, esta señornan Tommy Pieters, Oscar Marugg, Theo Hese, Max Arends y Shon Cai Juliao. Pa e club di Aruba e eleccion di señor Marugg como gobernador ta un gran condecoracion.



SABOR CU NUNCA TA VARIA

IT NEVER VARIES.

"MI OPINION"

YUDA POBERNAN

Tempu ta malo, trabao ta - scaars, na Aruba no ta manera tabata antes! Tal expresionan, cu ta carga cu realidad, nos por tende tur ora. En berdad pa motibu di automatizacion tin dia pa dia menos lugar pa traha, mientras poblacion ta aumentando masha liher. Hopi tata di familia ta sin trabao caba i mesora nan yiunan ta sufri. Cuanto famia cu yiunan grandi tin, camina tata of mama so ta traha? Quanto hobennan cu diploma of sin diploma ta na caya henter dia? Quantu mama cu a keda sin casa, no sabi cu nan mes- ter yena boca di nan yiunan? Tur esaki ta muestra caba cu nos ta bibando den un situacion, cu nos no por soluciona cu pa- labranan bunita y promesanan barata. Estudionan profundo i medidanan drastico lo ta necesario pa yega na un solucion definitivo. Dios gracias pueblo Antilliano ta cuminsando comprende cu e dos tres barancanan den la- man di Caribe, no por duna un existencia permanente na un pue- blo cu ta birando grandi dia pa dia. Sali nan mester sali i mun- du ta grandi. Mientras autori- dadnan ta studiando pa organisa mas empleo i pa soluciona e problemanan cu ta existi cabanos no por nenga cu hopi miem- bro di nos comunidad ta biba den pobreza--nan no sabi kico nan mester come awe of majan muchanan mester keda sin bay school pa falta di panja i zapa- tu. Tin mas probeza den pue- blo cu hopi hende ta pensa i ta duele cu den hopi casonan nin- gun instancia por duna suficiente yudanza tampoco. Mi conoce un pastor, kende a manda 100 famia di su paruchia un carta, spli- cando e situacion menciona i pi- diendo un contribucion regular pa luna of pa aña pa fondo pa po- bernalnan, pa asina e pastor por du- na un poco alivio den casonan urgente. Pasobra maske tin hen- de cu ta pensa cu pastor tin mashin pa traha placa, kere mi e no tin, i si no tin entrada no por tin salida tampoco. Pa mas o menos 25% di e cien famia- nan e idea a cay bon y nan a cuminsa contribui spontanea- mente, cada un segun su posi- bilidad. Tin cu a manda bisa pastor cu nan ta contentu cu nan por yuda, pasobra nan no tabata sabi cu tin tanto necesidad den pueblo. Otronan a bisa cu nan no ta dispuesto pa yuda hende cu ta muchu floho pa traha. E grupo aki no tin tino ainda di e cambio enorme cu a tuma lu- gar e ultimo diez añanan. I si bo puntranan si nan por duna trabao na un dos of tres cu kier traha, nan no sa nada di contes- ta mas. Ta duele cu mas di 50% di e hendenan cu a hanja e car- ta, no a reacciona na ningun manera; of pa motibo di negli- gencia, nan tin nan pida pam di tur dia i nan no ta preo- cupa pa otro mucha, of pa mo- tibo cu nan ta predica e lema: cada un ta percura pa su mes i Dios pa nos tur. Tin hende cu curazon di piedra i wowo- nan cera, cu ta lubida cu nan ta miembro di un comunidad, den cual ta responsabel pa otro. Mihor nos muestra nan riba San- ta Escritura; cu ta bisa: "Loke bo a nenga na un di mi chi-

(Sigui lesa pag.2)

A.P. Nita ta lamta caso contra Paulus drukkerij N.V. (Aruba)

ORANJESTAD, 25 mei.- Diabierne atardi mas o menos tres'or y mei senyor Amador Paulo Nita kende ta biba na Corsow y ta publica un semanal "Amigu di Aruba" a manda un caso aden contra di Paulus Drukkerij (Aruba) N.V. cual empresa ta reparti e diario "Amigoe di Curacao" bao di e number "Amigoe di Aruba" na Aruba.

Den su demanda senyor Nita kende bao number di su empresa a lamta un caso caba anteriormente Paulus Drukkerij N.V. (Aruba) pa e motibo di usamento di e number "Amigoe di Aruba" door di e empresa ultimo menciona, e biaha aki ta acusa e empresa aki di door cu e ta usa e number "Amigoe di Aruba" e ta causa danjo na su semanario "Amigu di Aruba" cual desde 1953 ta worde publica e reparti bao di e number ey pa casa editorial Emile.

Den e demanda senyor Nita ta bisa e.o. cu desde 1949 e ta traha bao di e number "Casa Editorial Emile" y cu desde 1953 e ta publica e semanario "Amigu di Aruba" y pesel desde e tempo ey e ta usador legal di e number.

Door cu Paulus Drukkerij (Aruba) N.V. desde 1962 ta usando e number "Amigoe di Aruba" pa e parti "Amigoe di Curacao" na Aruba, e acto aki ta cause danjo como cu e publico en general y comercio, no ta abona respectivamente pone anuncio den un semanario y un diario cu ta carga e mes un number door di cual e mantencion y continuacion di su semanario ta corre peligro. Tambe senyor Nita ta acusa Paulus Drukkerij na Aruba di echonan en contra di dje, manera tratamiento pa declara failliet, etc. door di cual e empresa ey kier obliga su persona pa stop cu publicacion di su semanario of pa hanja e derecho di e number mencion na un prijs di fl. 750.--.

Den su demanda e ta exhi cu ningun otro diario, semanario lo worde reparti of publica bao di e number "Amigoe di Aruba"; tampoco cu esaki lo worde imprimi y parti na Aruba of otro isla di Antillas cu tal number.

Tambe e ta exhi cu tur clase di propaganda cu e number di "Amigoe di Aruba" lo worde prohibi. Manera entre otro kitando esaki for di ariba edificionan of auto di e empresa di Paulus Drukkerij na Aruba y otro islanan. Y si esaki no worde haci despues di desicion di huez den su favor e ta pidi un danjo di perhuicio di tres cien florin pa cada dia cu e number sigui worde usa pa e empresa menciona y tambe alavez e ta exhi un danjo di perhuicio di cinco cien florin pa cada dia desde nuebe di december ultimo cu Paulus Drukkerij (Aruba) N.V. ta haciendo uso di e number ya menciona. Gastonan di procedura segun senyor Nita su exihencia lo mester ta, den caso cu huez dicidi na su favor pa e empresa menciona.

"MI OPINION"

YUDA POBERNAN

(Continuacion di pag.1)

kitonan, pobernan enfermonan - etc., bo a nenga na Mi mes. Nos ta larga nan pa Dios anto i un dia nan mes lo duna cuenta. Pa esnan cu tin un poco sintimentu social i kier yuda tin hopi posibilidad, Mi por muestra riba e armbosnan pa pobernan den tur misa, semper nan tey.


Cuanto organisacionnan nos tin den nos comunidad cu continuamente ta organisa diferente actividadnan pa colecta fondonan pa yuda hendenan den necesidad? Asina mes, es siman aki un organisacion, cu ta carga number di "AMICAL", un grupo di ex-discipulonan di La Salle College, lo haci un yamamentu na nos comunidad pa fortifica nan fondo, cu nan ta usa solamente i unicamente pa juda hende pover. Den di nan promer aña de existencia e grupo aki a haci mas ha bunita trabao, dunando panja na cantidad di muchapabal school i pagando cuantanan di cuminda pa famia cu no tin di come. Judanza di henter comunidad ta necesario pa nan por sigui nan bunita trabao, cu pa hopi famia ta nifica un alivio grandi den nan necesidad. Tur hende di nos comunidad cu por i cu kier juda, ta hanja un oportunidad atrobe pa cumpli cu nan deber cristian: STIMA BO PROHIMO.

E stimacion no mester ta expresa solamente den palabranan bunita, pero den echonan. Muestra boso generosidad, Dios lo paga. pr. Lr. M. v. Lankveld.



INIGUALABLE.....
„RED (sweet)
BIANCO (white sweet)
AND DRY.,

PLANO DI MANCHEBO BEACH HOTEL



Aki riba nos ta mira e plan di Manchebo Beach Hotel, cu dos Hulandes di Corsow tin intencion di bai construi na Eagle Beach na Aruba, poco pabaodi e pier na Eagle. Ariba e foto nos ta mira na number "2" e boulevard grandi, na unda number "1" ta muestra den direccion di e viaducto cu ta keda na un distancia di no mas cu cien meter. Na number "2A" nos ta mira e caminda cual for di boulevard ta bai pa e hotel y na number "3" nos ta mira e salida y entrada pa e entrada mayor, cual mescos cu na Aruba Caribbean Hotel lo tin un dak. E cifra "4" ta muestra nos e edificio mayor cu lobby, bar, etc., mientras cu "5" ta muestra un edificio chiquito cu cinco kamber na e parti abao di e edificio y cinco ariba. "6" ta muestra nos un biaha mas cinco kamber.

E edificionan aki nos ta mira tambe na e otro banda di e ofisina, cual ta te na e ultimo fase lo worde construi. Asina ta cu nan kier cuminsa cu trinta kamber. E cifra "7" ta muestra e lugar caminda eventualmente nan lo kier construi un ochenta kamber mas. Caminda e awa ta yega ta worde muestra door di "8". E parti marca cu linaja "punto" ta loke a worde pidi como beach serca B.C.

Candela cu 5 morto na San Francisco

SAN FRANCISCO, 25 mei.- Cin-cu miembro di un grupo di baile na San Francisco a muri den un candela durante un funcion pa un comunidad religioso.

Segun polis e candela a worde causa, door cu durante di un baile di candela un di e cortinan riba escenario a cohe candela door di un flambeau cu tabata worde usa eynan. Di e dos cien personanan cu a presencia e funcion, por lo menos sesenta a queda herida.



KI DIA... NA UNDA...??? SPERA NOS PROXIMO AVISO DEN CORANTNAN - NA RADIO Y NA T.V. KAPMENTO DI PRIJS DI BERDAD!!!

KAPMENTO DI PRIJSNAN!

NOS A HANDELA MENOS CU MITAR GRAN BARATILLO DI ARTICULOS NOBO Y DI CALIDAD PA DAMAS, CABALLEROS Y MUCHA.

Durante di e anochi di despedida aki diferente di e presentenan a dirigi palabradunando homenaje na e trabao di senyor Kerstens y di senyor Huige. Entre esnan cu a dirigi palabra tabata, Pater Micklinghoff, diputado J. Tromp,

senyor J. van Roosmalen, director interino di colegio Arubano y na fin door di senyor Kerstens palabra di gradicimento a worde duna pa tur e bunita palabranan dirigi na ne. Tambe el a gradici pa e regalonan cu el a ricibi.

L.C.M. Kerstens condecora

ORANJESTAD, 25 mei.- Dia-huebs anochi a tuma lugar na Trocadero e despedida di senyor L.C.M. Kerstens, secretario di territorio insular di Aruba, y secretario di Stichting Middelbaar Onderwijs na Aruba, kende aki na dos siman lo laga nos isla pa bai goza di su pensioen. E despedida tabata organisa pa e actual directiva di Stichting Middelbaar Onderwijs presidia pa diputado J.F. Tromp. Fuera di tuma despedida di senyor Kerstens, tambe despedida a worde tuma for di senyor J. Huige kende mescos cu senyor Kerstens tabata un die fundadornan y luchadornan di promer ora pa e Middelbaar Onderwijs na Aruba. Senyor Huige lo laga Aruba na fin di e anja aki.

Un sorpresa especial tabatin pa senyor Kerstens, kende e anochi aki for di man di Pater Micklinghoff na number di mgr. Holterman y pa Papa Pablo Sexto a ricibi e condecoracion den e orde di santo Gregorio el Grande, pa su trabao cu el a haci pa e obra di esenanza secundario catolico na nos isla y pa especialmente su trabao pa e obra catolisismo en general.



BOTICA ARUBA

Personal competente
+ Maquinaria moderna
= Servicio excelente.
Jama No. 1080 - 1081
of 1180
y nos ta busca bo recept y entrega e remedi na bo cas.

BISTIR

den e coleccion mas grandi jamas visto..

* ultimo creacionnan
* colornan precioso,
cu nos ta ricibi constantemente.

Tambe TAS y

SAPATO.

Pa damanan

di bongusto, e adres apropiada ta:

La Linda



Esaki ta e debujo pa e militar Tehuis nobo, cual nan kler bai construi banda di costa na Savaneta pa e militairnan di marinierskazerne ayanan. E disenjo ta di e architectonan Geo A. Scott y

P. Reynierse di Petrona & Cros. Diablerne e debujo aki a worde entrega na e comision di contact di e organisacionnan catolico y protestant di e "casnan" militair na Aruba, kendenan conhuntio kler bai construi e tehuis nobo.

DISENJO DI MILITAIRE TEHUIS NOBO NA SAVANETA TA CLA UN PROYECTO DI FL.150.000,-

ORANJESTAD, 25 mei.- Diablerne ultimo un representante di e oficina di architecto di Petrona & Cros N.V. na Aruba a entrega na esnan cu a tuma e iniciativa pa construi un militair Tehuis pa katholiconan y protestante conhuntio e disenjo y calculacion di e gastonan pa e edificio nobo. E edificio aki lo bai ta grandi, funtional y grandi den capacidad y segun e plannan actual lo worde construi pariba di e marinierskazerne banda di lamar. E gastonan lo ta segun e deseonan di e interesadonan na Hulanda mas o menos fl. 150.000.--.

Un storia largo di tal manera ta jegando na su fin; un storia di es fuerzonan grandi di un grupo chiquito di personanan cu ta pensa amplio un grupo for di katholiconan y protestantnan cu ta mira cu no ta necesario pa incesariamente dividi e forzanan ariba un isla chiquito manera Arubapa bai construi dos edificio apart pa casnan militar pa katholico y protestant, pero pa mira pa cada uno nan esfuertonan worde logra bao di mesun dak.

E iniciativa aki a cuminsa mas o menos dos anja pasa. E organisacion Christelijke militair en Zeemans Tehuis na Aruba, cu ta haci uso di e Tehuis na Savaneta, cual ta propiedad di Christelijke militairen bond di oost en west na Hulanda, y e organisacion R.K. militair Tehuis, cu tabata haci uso di e Tehuis na San Nicolas y di cual R.K. Centrale van militaire Tehuizen na Ulanda ta donjo, a reuni pa mira si ta posibel pa construi un Tehuis nobo; pasobra pues e marinieran di cual religion cu sea por bin hunto. Pasobra pues segun nan opinion si cada un di e gruponan pone loke nan tin na fondo hunto, ta posibel pa construi un Tehuis mihor util pa e militairnan, cu si e fondonan keda parti pa dos militare Tehuis apart. E promer plannan tabata pa construi un militair Tehuis conhuntio na Oranjestad. Esaki tabata e plan pa mas cu un motibo. Asina por ehemplo nan tabata desea di no construi e Tehuis mucho serca di e kazerne pa asina duna e militairnan e idea cu enberdad nan ta "afor"; alavez pa motibonan especial nan no tabata desea di bai den direccion di San Nicolas cu e iniciativa nobo.

DI ACUERDO

Tocante di e plannan aki hopi a kibra nan cabez. E bond pro-

testant y e centrale catolico na Hulanda a descuti intensivamente tocante di esaki pero den e dos anjanan cu a pasa nan a mira cu loke ta trata di e idealnan pa banda di religion un base por worde hanja cual lo ta e punto principal di explotacion di e Tehuis. Enberdad ta asina cu e puntonan final tin di worde termina ainda, pero e base principal tey.

Entretanto e plannan a cambia un poco tambe na Aruba. Nan a laga e plan pa Oranjestad un banda, pa alfin yega na un acuerdo pa construi un Tehuis banda di kazerne na Savaneta, banda di lamar. Pero e condicion pa esaki ta cu e caminda cual B.C. tin intencion di bai construi cu placa for di fondo di EEG enberdad lo pasa banda di lamar na Savaneta y pues banda di e Tehuis. Mientras cu na promer instancia e Tehuis cu nan tabatin intencion di bai construi na Oranjestad a worde hanja mucho cara pa e partidanan relaciona na Hulanda, esta fl. 250.000.--. E disenjo nobo cual awor Petrona & Cros a traha ta bai costa mas o menos loke Hulanda a desea, esta fl. 150.000. E placa aki na su debito tempo lo worde duna door di e dos partidanan relaciona na Hulanda y gobierno Hulandes.

E tehuis nobo lo tin un sala di conferencia, un sala pa hunga biljart un cushina grandi, un sala pa haci estudio y lesa, un cas apart pa esunnan cu ta cuida e lugar, un propio cuarto pa e domo of pastoor y lugarnan pa banja.


BEACH

E costa na e lugar caminda e intencion ta pa construi e Tehuis ta tal forma cu lo ta masha facil

pa traha un beach. Alavez un pier lo worde construi, asina cu e militairnan lo hanja bastante facilidad pa practica e deportenan aquatico. E lugar lo ta asina grandi cu e lo por ricibi henter e cuerpo militar di Savaneta. Na ocasion di fiestanan e espacio por worde haci mas grandi ainda door di agrega e teras di pafor aserca.

COMISION DI CONTACT

Na Aruba un comision di contact a worde forma cu lo sigui traha ariba e plannan. E comision ta worde forma door di personanan di tur dos e directivanan di e Tehuisnan actual. Den esakinan tin asiento di banda protestante senjornan J. Elkelenboom (presidente), Timmers, C.W.J. Van Meurs y Milton Ponson y di banda catolico ta senjornan mr. H. Schrage, Mijnders, J.A. Van Aert y van der Logt. E gastonan di edificio nobo mescos tambe e disenjo lo worde studia pa e comision di contact y despues lo worde manda pa Hulanda pa hanja e aprobacion di e tres instancianan cu lo pone placa ariba mesa pa e construccion. Esaki naturalmente lo tuma basta tempo. Na Aruba nan ta contento si nan lo por hanja e aprobacion definitivo e anja aki mes ainda. Pero ora cu esaki una bez ta duna tambe anto e ora ta "full speed ahead". E Tehuis nobo na su debito tempo lo hanja un directiva cu e mes un cantidad di catoliconan y protestantenan cu lo parti e asiento. Pa turno e dos gruponan lo tin un presidente na cabez. Ya nan a logra caba pa forma reglamentonan y cierto decisionnan cual pa tur dos partida ta aceptabel y cu lo ta e parti di e set up nobo.



CALIDAD
SABROSO
LIBBY'S
QUALITY
DELICIOUS
LIBBY'S
N.V. WINKEL'S
HANDEL MIJ.



Ariba e skina di Oude Schoolstraat y Nassastraat E.L.G.A. ta instalando su negoshi nobo. E.L.G.A. lo bai negosha especialmente articulonnan di Westinghouse, aparatonan electrico y lo demas. Diablerne un borcheluminador enorme di Westinghouse a worde instala, mientras cu e manager di E.L.G.A. na Aruba, kende ultimamente a worde nombra, esta señor Jan Visser (drechi) ta mirando. Señor Visser ta spera di habri e negoshi na medio juni. E instalamento di e borchel a tuma lugar cu propio personal.

JO JUDA LO ACTUA DILANTI MICROFONONAN DI RADIO VICTORIA NA POS CHIQUITO

ORANJESTAD, 25 mei.- E violista Hulandes Jo Juda di promer di juni venidero lo duna un recital den e studio di Radio Victoria. E lo trece un programa di Vivaldi, Brahms, Chausson y Bartok. Senyor Juda, kende ta un artista di fama grandi na Hulanda, awor despues di su actuacion conjunto cu Amsterdamse Concertgebouw-orkest na Estados Unidos lo haci un tournee chiquito.

Jo Juda a nace dia shete di september 1909 na Amsterdam. Ciudad di dieznuebe anja el a pasa su examen final na muzieklyceum na Amsterdam cu honor especial como alumno di Alexander Moszkowsky.

Despues el a hanja un premio di gobierno door di cual tabata posibel pa e sigui su estudio na Hochschule na Berlin den e klas di prof. Carl Flesch. El a studia tambe cerca Oscar Back. E cuminsamento di guerra a pone un fin na su carrera solistico despues di liberacion Jo Juda a bira maestro na e Koninklijke Conservatorium na Den Haag. Algun anja despues a sigui su nombracion como hefe maestro na conservatorio na Amsterdam. For di 1952 te 1956 e tabata promer maestro di concierto cerca Radio Filharmonisch Orkest, cual puesto el a bolbe acepta na cuminsamen-

to di september 1959, despues cu na 1956 te na 1959 e tabata maestro di concierto cerca Utrechts Stedelijk Orkest.

Jo Juda hopi biaha ta actua como solista na Hulanda y den exterior entre otro na festivalnan y den programanan di radio. Dos biaha el a haci un tournee door di Indonesia y Malakka. Diferente conciertonan di violon a worde dedica na ne, manera e di dos concierto di violon di Sem Dresden, di cual corto tempo despues di guerra el a haci e promer presentacion. E promer presentacionnan di conciertonan di violon door di Concertgebouw Orkest cualnan tabata di Frank Martin y Alban Berg a worde presenta tambe cu cooperacion solistico di Jo Juda. Na 1963 Jo Juda cu Herman Krebbers a worde nombra como promer maestro di concierto di Concertgebouw Orkest.




Diasabra atardi a tuma lugar na Aruba Trading Company Dakota e entregamento di e premio di e loteria di Wit Gele Kruis di Aruba, cua tabata un auto Caravan. E auto a worde gana door di senyor C. de Mildt un empleado di firma De Wit, pero kende ta cu na Hulanda actualmente. E premio a worde ricibi door di senyor D.J. de Wit na nomber di senyor C. De Mildt. Na drechi nos ta mira e tres miembronan di Wit Gele Kruis cu a haci e entrega W.H.M. de Graaf, L. Zievinger y senyor J. Meelis. Mas patras ta para senyor A. van Glabbeek, manager na A.T.C. na Dakota.

Satelite mericano a kima den aire

WASHINGTON, 25 mei.- E comision mericano pa energia nuclear a revela, cu luna pasa un satelite mericano, cu tabata contene un kilo di plutonium radioactivo pa provision di un reactor nuclear, no a drenta den e orbita rond di mundu, manera tabata intencion, pero a quima banda di costa di west Africa den atmosfera.

Segun e portavoz di e comision e plutonium a plama den partinan chiqui na un altura grandi (36 kilometer), cualnan te despues di basta anja lo yega terra. Pero e ora ey entre tanto nan lo a perde nan radio actividad.

E satelite a worde lansa na april for di e base Vandenberg na California.



E parti nobo di muebles nobo di La Linda, cual ta worde construi tras di Spritzer & Fuhrmann na Oranjestad, door di e firma Petrona & Croes ta yegando den e ultimo fase di preparacion pa e worde habri dentro di poco tempo. Ya den e parti ariba tin mueblenan poni. E fe-

cha exacto cu e edificio nobo aki di señor K. Hochman lo worde habri no ta conoci ainda, pero lo tuma lugar pronto. Cu esaki La Linda un conocido cas comercial grandi den Naussaustraat lo tin e oportunidad pa duna su clientenan un servicio mas amplio ainda ariba terenon di muebles.



ta di calidad mas mihó, cu cualke otro marca. E banda di rodamiento cu cuerda di 100% di nylon ta permiti bo corre hopi mas kilometros. E ta sumamente elegante. Tirenán "Cordovan" ta di bon calidad y fabrica di equiponan original mericano.

**AUTOPARTS
JOHN MANSUR**

L.G. Smith Blvd.
tel. 3094.

**KEEP COOL
AIR CONDITION
NOW!**

Heins Brandt a hanja libertad

BERLIN, 25 mei.- Heinz Brandt, redactor di e corant di federacion di trabao di Alemania occidental, quende na cuminsamento di mei di anja 1962 a worde condena na 13 anja di prison na Alemania Oriental pasobra parce el a comete spionaje, a hanja clemencia y a worde pone en libertad.

Asina e agencia di prensa na Alemania oriental ADN, a participa. Brandt, quende antes tabata ocupa un puesto den partido comunista di Alemania Oriental a hui pa occidente na anja 1958.

Na anja 1961 el a disparce du-

rante un bishita na Berlin. Despues a worde informa cu el a worde arresta pa polis di Alemania Oriental. E arrestacion ey a causa un yobida di protesta for di den henter mundu.

Huntu cu Brandt tabatin dos homber mas cu a worde husga na anja 1962.

Esaquinan a hanja respectivamente 12 y shete anja di prison. Despues polis di Alemania Occidental a participa, cu Alemania Oriental a laga dos otro habitante di Berlin occidental sali liber. Un tabata condena na Alemania oriental na binti anja di prison pasobra el a yuda na huida pa occidental y e otro a worde cohe presu dia 19 di april pasobra parce el a viola frontera.

REY DE COPAS

TA REGALA FLS. 4000.--

Na su consumidornan

Simplemente duna e cuater popchinan den showwindow di oficina di Rey de Copas un bunita nomber y gana placa! Awor tin fls. 1000.-- di premio pa cada nomber favoreci.

Awor cuatro ruman...

Awor cuatro mil florin



"Las cuatro hermanas" otro concurso incomparable cu fls. 4000.-- pa regala!

REGLANAN PA PARTICIPA DEN E CONCURSO

- 1) Entrega 1 botter bashi di Rey de Copas di 1/2 gallon of 2 botter bashi di Ron Rey de Copas di 3/4 liter of 4 botter bashi di Ron Rey de Copas di 24/2 of 8 botter bashi di Ron Rey de Copas di 48/4 na Aruba Distilling Co., Wilhelminastraat No. 47 y bo ta hanja un formulario pa yena bo nomber y direccion y e nombenan pa e cuater rumannan.
- 2) Entregá e formulario aki yená na oficina di Aruba Distilling Co., Wilhelminastr. No. 47 y percure pa bo recibo, cu ta pega na e mes formulario, ricibi su stempel di entrega.
- 3) Warda dia 22 di agosto 1964 y cobra bo placa si e nombenan cu bo a duna ta e nombenan favorecé.
- 4) E mes persona por yena quantu formulario cu e ta desea, contal cu e entregá pa cada formulario e cantidad di botter bashi requerido.
- 5) Si tin mas cu un beneficiado, e premio ta ser parti den esnan cu tin e nombenan escogí.
- 6) Exigi pa bo recibo tin un stempel di Aruba Distilling Co.

SEMPER E FAVORITO

RON REY DE COPAS

EL REY DEL TRAGO

NOTA:

Directiva di Aruba Distilling Co. ta e unico entidad responsable pa scogemento di e nombenan. E nombenan aki lo no ser scoge pa suerte y si e nomber aki ta igual na cualkier nomber cu surgi pa algun acontecimiento, esaki ta debido na pura casualidad.



REY DE COPAS

ARUBA DISTILLING CO.

Wilhelminastr. 47

Tel. 1266

APERTURA SNACKBAR DI JANNY LUIDENS NA FIN DI MEI

ORANJESTAD, 24 mei - Na fin di e luna aki lo worde habri den Nassasstraat, caminda antes tabata oficina di Notario Thijssen, un bunita snackbar aireacondiciona di señor A. (Janny) Luidens, un empleado di Neme Import Export Co., kende cu esaki ta habri su di dos negoshi den Nassasstraat. E intencion ta pa vende den e snackbar aki, di cual e nomber no ta conoci ainda, bebida no alcoholico, snacks y cuminda simple.

Ya desde december ultimo caba señor Luidens ta trahando duro ariba mueblamento di su snackbar. Esun cu conoce e interior di su negoshi especial pa damas, esta Playalux, por comprende pues tambe cu su snackbar lo bira algo apart. Den e snackbar nobo sin embargo señor Luidens a traha cu hopi material simpel, pero ya por constata cu esaki ta dunando un esfera intimo y agradable. E entrada pa e negoshi aki ta via di un trapu. Unavez cu bo a caba di subi e trapu chiquito, bo por escohe entre bai sinti ariba e terraza bao di un parasol, for di unda bo tin un bista ariba e trafico door di e calla principal di Oranjestad of bo por sigui bai paden, na unda mesora bo ta para dilanti di un bar grandi y den un esfera agradable. Pa haci e esfera aki mas agradable ainda señor Luidens a baha e plafond mas abao, algo manera por worde mira den coffee shop di Aruba Caribbean Hotel. Banda di e bar tin algun lugarnan di sinta mientras cu den un parti aparta tambe tin algun lugar di sinta caminda bo por consumi un cuminda na bo gusto.

E negoshi tin un cushina grandi y moderno, mientras cu tin dos toilette bon organisa. Cu popchinas bisti originalmente y poni na muraya- un figura masculino y un femenino- ta worde muestra, caminda e damanan of e caballeronan den nan necesidad por drenta. Pa mueblamento di e lugar, señor Luidens a haci hopi uso di cabana, tronkonan di palo di coco, y formica. Pa dorna e lugar mas ainda tin den e negoshi tambe tres panel di e pintor Martis. Un di e paneelnan tin e nomber Jama-Nota, e otro Uri-Bishana y e di tres Chi-Koe-Cha, lo cual tambe lo por worde usa como nomber pa e lugar. Segun nos a worde informa un peticion a worde entrega na gobiernu pa hanja permit pa vende bebida cu no ta contene hopi alcohol. Masha orgulloso señor Luidens ta di su automaat Espresso di koffie. E tin intencion di haci su Espresso Koffie un di e especialidadnan di e snackbar. Fin di mei e snackbar-restaurant fountain lo habri su portanan pa publico. Na promer instancia e intencion tabata pa caba mas promer ainda cu e re-

construccion y mueblamento di e lugar, pero e bendemento di e edificio (den cual señora Sara Walfenzao tabatin su negoshi di agencia) door di e propleitaria nan, e damanan Croes na señora Rica Arends pa e prijs di Fl. 100.000,- a wanta e trabao hopi na cuminsamento di e aña aki. E gia diario di e negoshi lo ta den man di señora Luisa Oduber.

E snackbar di señor Janny Luidens den Nassasstraat ta jegando su terminacion. Aki nos ta mira señor Luidens instalala ariba e bar un "Martin Piscador", un parha aquatico di Venezuela cu a wordeprepara promer.



AWOR MAS ECONOMICO!



AWOR

2 PAKI Den Cada Cahita

MAS ECONOMICO!
MAS CONVENIENTE!

Aruba Trading Company



Un otro bista di e snackbar di Janny Luidens. Adilanti ariba e fotos ta mira un Arubiano orgullosamente preparando su automaat di Espresso Koffie cual e ta spera di haci un di e specialidadnan di su snackbar.

Gezaghebber Gorsira a regresa Corsow

SCHIPHOL, 25 mei.- Sumamente satisfecho di e deliberacionnan, cu el a hiba na Ulanda tocante e plannan di bienestar pa Corsou, gezaghebber señor M. P. Gorsira, a sali di Schiphol pa Corsou.

Pronto lo tin deliberacionnan importante tocante e proyectonan ey na Corsou, asina el aparticipa na su salida.

Prof. van Berkeldi e oficina Ulandes di consulta pa trabao-

nan di ingeniero den exterior, lo actua como consehero di e territorio insular aqui pa yuda nos den e aspectonan tecnico.

Señor Gorsira ta calcula cu profesor van Berkel lo bialha pa Antillas na cuminsamentu di juni. Como cu ainda e asunto no ta completamente regla ainda gezaghebber Gorsira a prefera di no revela mas detayes.

ENTIERRO DI MR. SIMOONS

AMSTERDAM, 25 mei.- Na e santana Zorgvlied na Amsterdam tabatin entierro di mr. A. Th. Simoons quende a muri diarason inespera na Amsterdam di parti di antillanonan y surnamenjonan na Ulanda tabatin un enorme interes y tambe di parti di Ulanda. Mr. Simoons tabata director di e gabinete di minister plenipotenciario di Surnam na Ulanda y minister plenipotenciario interino. Tambe na Corsou mr. Simoons, tabata hopi conoci, ya cu el a queda hopi anja na nos isla, unda ultimamente e tabata hefe di un school.

Gobierno Ulandes tabata representa pa vice minister-president mr. B. W. Biesheuvel, quende den gabinete Ulandes ta encarga cu asuntunan di reino. Di parti di Surnam tabata entre otro presente e minister surnamenjo di construccion, J. Rens, ex-minister Brakke, e reemplasantenan di e defuntu na Den Haag y Amsterdam, y anteseser di e defuntu, dr. Einaar.

Ademas tabatin delegacionnan di sociedadnan surnamenjo di estudiantenan. Di parti di Antillas e entierro a worde presencia p e director di e gabinete di minister plenipotenciario di Antillas na Ulanda, mr. P. L. De Hase, e hefe di gabinete pa asuntunan personal, señor A. E. Boel y e hefe di prensa di e gabinete, señor H. Dennert.

Thailandia no kier trupanen

BANGKOK, 25 mei.- Premier Thanom Kittikachorn di Thailandia a declara, cu actualmente no ta necesario ainda pa Merca man-

da trupanen pa Thailandia.

El a bisa esaki despues di un inspeccion na e frontera entre Thailandia y Laos. Nos lo pidi Washington trupanen si esey ta necesario, asina e premier a bisa. Manera ta conoci Merca a laga sa cu e lo manda trupanen pa Thailandia si esey lo mester ta necesario.

Noord Vietnam ta protesta

HONGKONG, 25 mei.- Noord Vietnam a protesta cerca Laos cu cuater miembro di su embajada na Vientiane a worde arresta y maltrata.

Segun e agencia di prensa na Noordvietnam e minister Noord-Vietnames di exterior, a bisa den e protesta na prins Soevanna Phomma, cu e embajada Noord-vietnames ta isola for di diadomingo y hasta no por provisiona su mes di comestibles.

Noordvietnam ta exige libertacion di e arestantenan, pago di danjo di perjuicio y abolicion inmediata di e bloqueda contra e embajada.

Estadio di emergencia na Guyana Ingles

GEORGETOWN, 25 mei.- E gobernador di Guyana Ingles, sir. Richard Luyt, a proclama estado di emergencia den e pais.

Bringamentunan entre hendenan di colo e indionan na Georgetown a aumenta. Polis a ausa gas lacrimogeno pa evita, cu un multitud di hendenan di colo lo a saquea tiendanan di e indionan. Diferente indio tabata victima di e hendenan di colo. Un pareha di colo a worde asesina y un indio a worde mata pa polis.

E cantidad di morto for di dia cu e incidentenan a cuminsa na Guyana Ingles a aumenta te na 21.

Gobernador Luyt, cu a papia na radio, a bisa cu el a pidi Inglaterra pa manda trupanen y cu e ta spera nan pronto.

E trupanen cu ya ta staciona na Georgetown, tabata ocupando puntonan estrategico den e ciudad.

Di parti di e ministerio ingles di defensa a worde informa, cu trupanen ingles lo worde manda Guyana Ingles. Un compania lo sali probablemente den curso di awe.

AGENDA

ARUBAANSE COURANT
diariamente cu excepcion di
diadomingo
subscription f. 3,25 pa luna
edicion los 20 ct.
edita pa:
N.V. ARUBAANSE DRUKKERIJ
- en UITGEVERS - en PUBLI-
CITEITS MIJ.
imprimi na:

N.V. DRUKKERIJ
„DE STAD,”
Telefoon 1116 Directiva y redac-
cion, 2116 Anuncio y subscrip-
cion.
Directeur hoofdredacteur:
D. Wolff.

POF CUMPA ARUBAANSE
COURANT NA E SIGUENTE
LUGARNAN:

NA ORANJESTAD:
BOEKHANDEL MARIKA,
PIET SODA FOUNTAIN,
REFRESQUERIA INGRID.

NA SAN NICOLAS
NICOLAAS STORE,
UNION STORE.

BOTICANAN DI WARDA

Oranjestad Botica del Pueblo Tel:
1253-2154
San Nicolas Botica San Lucas Tel:
5119

CINE

De Veer: 8.30 p.m. "Pt 109" all
Rialto: 8.00 p.m. "Peyton Pla-
ce" 18 j
Principal: 8.00 p.m. "Term of
Trial" 18 j
Aurora: 7.30 p.m. "Sol en Lla-
mas" all
Savaneta: 8.00 p.m. "A Girl Na-
med Tamiko" 18 j

TELEARUBA

5.30 Cartoons
6.00 Annie Oakley
6.30 Dutch Film
6.45 Papiamento Newscast Live
& Filmnews
7.30 The Flintstones
7.45 Papiamento Sportnews
8.15 I love Lucy
8.45 Have Gun Will Travel
9.00 English Newscast Live &
Filmnews
10.00 Dutch Film
10.30 Bold Venture

RADIO CARACAS TELEVISION

19.00 Los detectives.
19.30 Pajaros de acero
20.00 El observador.
20.15 Torrealba y sus Torre-
alberos.
20.45 Esta noche-Billo.
21.15 El matrimonio perfecto.
21.45 Los Defensores.
22.45 Noticias.
23.00 Cine en Español.
6.45 Senderos de luz
6.00 T.V. Educativa
10.00 Documentales
10.30 Cosas de mujeres
11.15 Quien es quien en T.V.
11.45 Novela
12.00 Show de Saume
13.00 Noticias
13.05 Cont. show de Saume
13.15 Se necesita una amiga
13.35 Novela
13.50 Yo se lo vendo
14.20 Punto y apar te
14.45 Estudio de Hector Monte-
verde
15.15 Perfecta ama de casa
15.45 Aventuras P. opeye y Yeyo
16.00 Mejias y sus muchachos
16.45 Tic Tac Toc
16.55 Busque su marca.
17.15 Loteria.
17.30 Revolver a la orden.
18.00 El Santo.

CUMPLEANJOS

Dia 23 di Mei a cumpli anja Srta.
Maria Webb, felicitacion ta bini
di su tata, y mama, rumannan,
tanta y omonan, primo y prima-
nan, amiganan, welanan, espe-
cialmente di Amelida Britten y
demas familia Webb, Kelly, Tromp
de Cuba.

RADIO VICTORIA

A.M.
7.00 Morning Melodies
7.15 Radio Bible Class
7.45 Grace and Truth
8.00 Message For The Hour
8.30 The Lutheran Hour
9.00 Christus Tot De Volkeren
Der Aarde Gebracht.
9.15 Voor Zijn Glorie
9.30 Palabranan Di Bida
9.45 Cafe Con Musica
10.00 Luz y Verdad
10.30 Ecos Del Cielo
11.00 La Hora Nazarena
11.15 Melodias Del Alma
11.30 La Voz Del Evangelio
11.45 Musica Sagada
P.M.
12.15 La Hora Del Templo
12.30 Melodias Di Merdia
1.00 Iglesia Di Aire
1.45 Bo Programa
2.15 Hobentud Pa Cristo
2.30 Desencadenado
3.00 Ensuenos Musicales
3.30 Adelante Juventud

AWOR BO POR

JET TE NEW YORK

Sin cambia avion .

Paga solamente

\$78,25* PA VUELO

Tur diamars, diabierna y diadomingo tin jegada y salida di Trans
Caribbean su "Fan Jets" gigantesco.

E vuelo pa New York ta dura algo mas cu cuater ora. (sin cambia
avion na San Juan). Bisa bo Agente di Bialhe bo ke bula coe Trans
Caribbean. Of jama telefon 2700.

* Basa riba tarifa di excursion "round trip" di 15 dia.



TRANS CARIBBEAN
THE '5TH ENGINE' FAN JETLINE

4.00 Temple Time
4.30 Hour Of Decision
5.00 Radio Concert Hall
6.00 Old Fashioned Revival Hour
6.30 Songs Of Zion
6.45 Quiet Time
7.00 Haven Of Rest
7.30 Evening Melodies
8.30 Songs In The Night
9.00 Sign Off.

Medidanan di seguridad

LONDEN, 25 Mei. - Ambtenaar-
nan Ingles en lo futuro not tin mag
di laga scribi nan puesto oficial
den nan pasaporte, esey pa evita
cu na bishitanan na paisnan co-
munista e agentenan comunista di
e agentenan comunista di e servi-
cio di spionage no worde alerta
for di nan entrada. En lo futuro
nan tin mag di laga scribi so-
lamente "den servicio di gobier-
no" Pasaportenan cuya a worde e-
dita den cual puestonan oficial ta
worde menciona, mester worde
renoba inmediatamente.

na malo, papa", Nico a bisa
"Ta duel mi cu mi mester bin
strobabo pa un cos chikito asi-
na y mi mes no tabata sa kiko
Hulia kier meen, ora cu el a
trece mi akinan. Loke a pasa ta,
cu mi a perde un imagen chiki-
to di oro. Mi fout di puntra
Hulia pé. mesora el a hibami
na bo kamber, sin cu mi tabata
sa, ki pensamiento e tabata tin.
"E ta un ladrona! El a horta e
imagen. Mi mes a tendebó bi-
sé, cuanto balor e imagen ey
tin, "Hulia a bolbe bisa, mien-
tras cu e ta mira Andrea men-
azador. " Pakiko bo tabata
kier a bay na e apotheker sin
un chofer awe? Pa asina nin-
gun hende haya sa, na unda bo
ta bay bende? " Tur hende a
keda mira Andrea, kende a
bira palido bou di e acusa-
cion teribel aki. " Bo sa al-
go di esey mi jiu? ", Conde
Eimer a puntra poco poco.
Andrea a sacudi su cabez.
Casi e no por a papia. " Ta
tocante e imagen di un joven
cu mi a mustrabo un bia-
ha, Andrea ", Nico a agresa.
" E imagen ey ta costa masha
hopi ", Hulía a grita. El a cu-
minza hari irritante. " Weyta e
inocencia para eynan! Mi por
pusta cu bosonan, cu den su pa-
den e ta hari nos tur! " Tur loke
tabata den e kamber tabata ba-
lia dñanti Andrea su wowonan.
Temblando el a cay sinta den



Ariba e tereno di industria pabao di D.O.W. tin dos industria
chiquito di importancia ta lamtando. Esun, cual cu ta keda banda
di boulevard pega cu Oranjestad ta e fabrica di Cempro, cual pa
motibu di extencion di e aeropuerto na Wayaca mester a cambia
su lugar pa esun actualmente. E otro cual ta worde construi pega
cu Arendstraat ta di ATEM, un iniciativa nobo, cu a bin for di Cor-
sow. Ya nan ta instalando e dak pa e loads grandi di ANTEM.

un steel. " Boso por dunami
un glas di awa? " el a suplica.
" Miserable comediantel " Hu-
lia su voz ta zona jen di ra-
bia y egoismo. " Awor e kler
splica su inocencia, despues
cu el a caba di horta asina fi-
ni. Pero cu boso dos si, e lo
logra. " Hulía, cu su ultimo
forzanan e Conde bjeeuw ta
trata di lanta di e cama. " Mi
mester tahabo pa pensa asi -
na malo di e mucha aki! " Ra-
bia e ta mustra cu su man ri-
ba e porta. " Abo sokete
bjeeuw, Hulía a grité jen di
rabia. " Henter e castillo
mester hari abo cu e mucha
brutaal ey. " " Pafó ", e Con-
de bjeeuw a grita. Su cara a
bira corra. Cu dificultad e ta
busca rosea. " Un dokter, por
fabor jama un dokter ". Ora
cu Andrea a mira con e pover
homer bjeeuw ta, e mes a
lubida su sufrimento. Supli-
cante e ta keda mira e Conde
joven, kende mesora a or-
dena e dienaar pa jama un dok-
ter. Porfin dr. Walters a bini,
y el a duna e enfermo un ma-
cara di oxígeno.

Pa algun rato e Conde bjeeuw ta
sinti un alivio. Pero no ta tarda
mucho. Ora cu bira nochí, ya a-
yudo di dokter no ta yuda mas.
Conde Elmer a cuminsa e viahe
grandi pa desconocido. Jorando

Entregamento di diploma

ORANJESTAD, 25 mei.- Dia 17
di mei a tuma lugar na San Hous-
ton State Teachers College na
Huntsville na E.U., entrega-
mento di diploma na e grupo di
mas grandi te awor aki den his-
toria di e school cu ta existi
85 anja.

En total 703 estudiante a hanja
nan diploma, locual ta 80 mas cu
na 1963. Entre e 703 tabatatin dos
hoben di Aruba, esta Anthony
R. Beaujon y Frederick Beaujon,
kendenan a hanja nan acto B.B.A.

Dilanti huez

ORANJESTAD, 25 mei.- Dia-
bierna mainta huez J. van Koot
a duna sentencia den e caso di e
conocido hacido di bruha, kende ya
anjanan largo tin e "ofishi" aki
cu cual e ta kita placa di esnan
cu ta kere su "hacimiento di bru-
ha". E caballero aki, esta R.S.
e bialha aki a hanja dos anja y
seis luna di prison. Esaki tabata
segun e pidimento fiscal di ofi-
cier di husticia S.H.Tjong A Jong.

E caballero C.E.S. di 25 anja di
edad, kende ariba dia promer di
mei ultimo a corta C.W.S. cu un
cuchu den su cara na San Nicolas
a tende ofier di husticia exhi
un castigo di seis luna di prison
contra dje. Huez van Koot a sen-
tencié segun e pidimento fiscal.

Tortura di un amor NOVELA

No. 9.

Maske cu e mester paga tino ri-
ba e caminda cu e ta corriendo,
toch e mester corda riba e or-
de stranjo cu e Condesa a duna.
Pakiko ta net Andrea e mester
manda? Por ta cu e tin un mal
intension. ? Andrea ta hala rosea
pisa. Un poco ora despues, ya el
a lubida tur cos caba. El a ha-
ya e Conde mescos cu el a bay
lagué. " Dios gracia, su situa-
cion no a bira peor, Andrea ta
pensa. Kizas tur cos lo bira
bon atrobe. E tin miedo pa fu-
turo, si e Conde Elmer, kende
ta traté asina bon, no tey mas.
El a sonrei cu né, ora cu An-
drea a cana dreña. " Bo kler
leza algo pa mi trobe, An-
drea? " " Cu gusto! Pero pro-
mé bo mester bebe bo remedi.
Mi a caba di trece di e apothek-
er. " E Conde bjeeuw ta sonrei
cu un sonrisa doloroso riba su
cara. " Ningun remedi riba
mundo lo yudami mas! " " Bo
no mester papia asina, " An-

drea a bisa. Mi ta sigur cu bo
lo bira mihor atrobe. " Di re-
pente e porta di e kamber a dal
habri y Condesa Hulía ta para
manera un angel vengativo den e
porta. Cu su dedenan el a mu-
tra riba Andrea. " Ata e ladron
ey, " el a grita duro. " Ta e so,
por tal? " Cu un cara stranjo
Conde Nico a jega su tras. " " Bo kler bisami, kiko tur e
desorde riba mi kamber ta, Hu-
lia? ", e Conde a puntra, tra-
tando di wanta su emocion.
Spanta Andrea a ripara con e
cara di e Conde bjeeuw a bi-
ra un poco binja. " Por favor
el a bisa keto, " e Conde no por
soporta emocion! " " Esey lo
sali net bon pa bo! ", e stem
penetra di Hulía a bisa. " Mi
kler sa, ta di kiko se trata! " " Ningun hende por a spera cu e
stem di e Conde por a sonza a-
sina ainda. Su wowonan ta mi-
rando e comedia di su suegro
cu menos precio. " No tumami

Andrea ta hinca rudia bandi e
cama di e bon amigo paternal,
mientras Conde Nico ta para su
tras cu un cara palido.

XXXXX
" Ya e damasan ta desayunando? ",
Brit a puntra e sirviente. Dren-
ta numa Tio Thomas! " Ya Stefana
por a tende su stem. " Bo mester
pura, pa bo haya algo di come ain-
da. Ami cu Andrea a come casi tur
caba. " " Bon dia! " Cu un cara a-
legre Thomas cuminda nan dos. " Mi
ta bai cambia mi ganja prome. " Mi
ta cansa di e viahe largo cu mi
a haci. " " Ach no, bo por wel di
come asina. Nos no ta worry cu e-
tiketa toch, Stefana a bisatrankil.
" Esey abo ta bisa, pero mira Srta.
Andrea. E ata bunita bisti. Dia cu
bo a sali foy di kostschool, abo
mes tabata parce un damal! " Sor-
presa Stefana a keda mire y a pun-
tra; " Kier meen cu mi nota un da-
ma mas? " Wel, mi no ta sigur.
Cu un carson gris un pullover a-
sina dikí bisti! Segun mi esey no
parse un dama mucho. " Loke mi
ta haci ta adapta mi mes na mi al-
rededor, tio Thomas! " Stefana ta
sacudi su cabez indiferente. " Ya
demas bo caracter tabal mas hopi,
esey abo mes a bisa semper. " " Con-
solador e ta bati sutio riba su
schouder mientras e ta bisa: " No
danja bo smaak di come door di un
subrina siordigi! " Pero ami ta
responsabel pa bo.

E ta sigui.....

RIP KIRBY

Agente exclusivo di

FRIESCHE VLAG

pa cortesia di:

lechi evaporado y lechi en polvo

JAN BODEGOM & CO (ARUBA) N.V.**MAXWELL HOUSE KOFFIE.****CISCO KID**

pa cortesia di:

ARUBA BOTTLING COMPANY

NESBITTS den varios sabor, e refresconan mas pidi y mas gusta na Aruba.

**BUCHI ROBEZ**

Pa cortesia di:

PIET'S SODA FOUNTAIN

Tel. 2123

E mihor adres pa snacks, tur clase di dushi, softdrinks, ice-cream y revistas.

**PEPITA**

pa cortesia di:

ANTILLIAN HARDWARE CO.

E mihor adres pa VERF, KWASHI, TUR HERMENT, ARTICULOS SANITARIO.

**DICK TRACY**

presenta pa cortesia di

JOHN MANSUR AUTOPARTS

na unda bo ta hanja piezanan di auto, garantisá pa nan calidad.

L.G. Smith Blvd. (Pariba di La Esperanza) tel. 3094.

**Horoscopo personal**

ARIES- 21 di maart - 20 di april
Aprovecha e oportunidadnan cu mester expresa bo puntanan di bista e mainta aki.

TAURO- 21 di april - 21 di mei
No laga nada kita bo bon humor cu bo tin e mainta aki y di e manera aki lo bo disfruta bon di e dia aki.

GEMINS- 22 di mei - 21 di juni
Atende necesidadnan di familia prome. Aclara e cuestionnan den disputa prome cu bo aumenta bo tension.

CANCER- 22 di juni - 23 di juli
Hasi bo desicionnan cu e mayor cuidao. Tin dificultadnan den superficie. Mantene bo mes alerta.

LEO- 24 di juli - 23 di augustus
Cuminsa lentamente cu proyeccionan nobo. Asegura bo mes cu bo plannan ta factible.

VIRGO- 24 di augustus - 23 di september
E entusiasmo di bo parti por causa un bon respuesta na bo actual propuestonan.

LIBRA- 24 di september - 23 di october
Percura di no cuminsa ningun trabao, sino te ora cu tur cos ta tranquil den frente domestic.

ESCORPION- 24 di october - 22 di november
Hasi un esfuerzo especial pa termina tur trabao prome cu atardi yega. Quizas ta necesario di traha algun ora mas.

SAGITARIO- 23 di november - 22 di december
Quizas lo bo obtene resultadonan extraordinario a traves di e variacion di e quehacernan ordinario.

CAPRICORNIO- 23 di december - 20 di januari
Esaki no ta un dia pa bo mexclabo den asunto nan di otro hende.

ACUARIO- 21 di januari - 19 di februari
Tene masha cuidao di lesa e carta menudita di cualquier contrato y consulta cu personanan cu experiencia prome cu firma.

PISCIS- 20 di februari - 20 di maart
Prome cu bo dal algun paso, ainda ta sobra un curso planea, asegura cu e condicionnan por conducibo na exito.

Castigo perpetuo pa ex-nazi

STUTTGART, 25 mei.- Un tribunal na Ellwangen na Baden Wurttemberg a condena Ernst Heinrich Schulz, ex-polis den ehercito di Hitler, na castigo perpetuo. Na anja 1942 Schulz a asesina cuater ciudadano hudu den distrito Lublin na Polonia.

For di november di anja 1961 Schulz ta den detencion preventiva.

Plan pa pelicula di Antillas

AMSTERDAM, 25 mei.- Segun director di N.V. City-film a parti clipa e compania aki tin un plan pa trese un pelicula Ulandes nobo bou di e titulo "Plantage Tamarinde". Te intension que comediante di 75 anja, Albert van Dalsum lo tin e hoofdrol den pelicula aki. Plantage tamarinde ta un comedia di Hans Keuls, cu yaa scirbi e scenario. Si e plannan aki drenta un studio definitivo, segun director dje compania di pelicula, e equipo di cine lo sali aki tres o 4 siman pa Crowsow. Pa haci algun filmacion. E pelicula pa mayoria parti lo wordo filma den e cine studio nan na Duivenrecht.